

867,546. դրանից այր՝ 437,651 հոգի, կին՝ 429,895 հոգի:

Հայաստանի քաղաքներն էլ, Երևանի ու Լենինականի բացառությամբ, աւելի շուտ մի-մի աւան են, քան թէ քաղաք — թէ՛ բնակչու-թեան թուի եւ թէ՛ զբաղումների կողմից: Երե-ւանի եւ Ալեք-պոլի բնակչութեան մի մասն իսկ, յայտնի է, գիւղական տնտեսութեամբ է հայ-թայթում իր օրուան պարէնը: Երեւանի բնա-կիչները թիւը եղել է 61,152, Լեւինականի-նր՝\*) 37,928, Նոր Բայազէտինը՝ 8,432, Դի-լիջանինը՝ 5,609, Իջեւանինը՝ 2,258, Գորիսի-նը՝ 2,668, եւ այլն:

XIII

Եթէ մի կողմը թողնելու լինենք բուլշեւիկ հրատարակագիրներից եւ պատասխանատու դործիչներից ոմանց մի շարք յօդուածները, դրուած դեռ տարիներ առաջ, որոնք 1922-23ին Հայաստանի բնակչութիւնը — չգիտենք՝ ի՛նչ հիման վրայ — 1.2-1.3 միլիոն էին հաշուած\*\*)

ու վեր առնենք վերջին տարիների պաշտօնա-կան հրատարակութիւնները միայն եւ համե-մատենք նրանց եղբակացութիւնները իրար հետ, դրանք եւս շատ բան կ'ասեն մեզ:

Քիչ- շատ լրիւ տեղեկութիւններ կան 1923-ից սկսած միայն: 1922-ի համար իրական տուեալներ չունինք մեր ձեռքի տակ. 1921-ի մասին եղածները թէեւ թերի են, բայց էլի ո-րոշ դադարտար տալիս են այն ժամանակուան վիճակի մասին: Այդ եւ 1923 ու յաջորդ թուա-կաններին վերաբերեալ տեղեկութիւնները կը տեսնենք, միանգամայն տարբեր պատկեր են բաց անում մեր առջեւ:

Նախ առնենք 1921-ը:

\*) Լենինականը, յայտնի է, մարդահա-մարից քիչ առաջ երկրաշարժի ազդեցութիւն էր են-թարկուել, որի հետեւանքով էլ բնակիչների մի զգալի մասը հեռացել էր քաղաքից: Դրա-նից առաջ նրա բնակիչների թիւն էր մօտ 50 հազար:

\*\*) Օրինակ Ս. Փիլոսովեանը «Արեգ» ամ-սատետրում, 1923 մարտ-ապրիլ: — Նոյնը նա-եւ «Նոր Աշխարհ» (Թիֆլիս), 1922, թիւ 3, ուր Հայաստանի բնակչութեան թիւը ցոյց է տրուած 1.3 միլիոն:

Թէեւ եղած տեղեկութիւնները վերաբե-րում են Հայաստանի գաւառական եւ գաւառա-կային կենտրոններին միայն, եւ յետոյ՝ Չան-դեզուրի, Դարալագեազի եւ Լոռիի մասին ե-ղածներն էլ, համաձայն պաշտօնական յայ-տարարութեան, — եղել են միանգամայն պա-կասաւոր ու չեն հրատարակուել, մնացած հինգ գաւառների համար հրատարակուած թը-ուական տուեալներն էլ բաւական են դադա-փար կազմելու համար այն մասին, թէ 1921-ին Հայաստանը ոչ միայն բնական նուազագոյն աճում իսկ չէ ունեցել, այլ ցուցահասնել է բը-նական նուազում, չհաշուելով արուեստական նուազումը:

Ահա այդ թիւերը. —

Գաւառներ	Միւլոնը	Մահ
1. Երևան	551	653
2. Ալեք-պոլ	304	590
3. Էջմիածին	424	641
4. Նոր-Բայազիտ	581	229
5. Մեծ Ղարաքիլիսէ	661	818

Թէեւ, կրկնում ենք, միայն որոշ վայրե-րի էր վերաբերում այդ պատկերը, բայց նա բնդհանուր էր ամբողջ Հայաստանի համար: Յիշած բոլոր վայրերում, ուրեմն, 1921-ին դրի առնուած 2,521 ծնունդի դիմաց դալիս էր 2,931 մահ: Հաշուի մէջ մտած հինգ գաւառ-ներից չորսում մահացութեան դէպքերը աւելի են եղել, քան ծնունդներինը: Միմիայն Նոր-Բայազէտի գաւառն է հակառակ համեմատու-թիւն ցոյց տուել, թէեւ նոյն ժամանակի մի ուրիշ տեղեկութեան համաձայն՝ պատկերը այդ գաւառում էլ նոյնն է եղել, ինչ որ միւս-ներում:

Այս է 1921-ի իրականութիւնը:

Այժմ, 1922-1926-ի բնդհանուր պատկերը տալու համար, քով-քովի բերենք պաշտօնա-կան թուերը Հայաստանի բնակչութեան մա-սին, այդ տարիներում:

	Շուկ
1922 յթուականին	781,111
1923 թ.	841,043
1924 թ.	907,755
1926 թ. յունուար 1,	925,546
1926 թ. դեկտ. բնդհ. մրդհմր.)	867,546

Հիմա առաջ բերենք այն պաշտօնական